

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2229/24
Sarajevo, 31.10.2024. godine

Z A P I S N I K
13. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 31.10.2024. godine

Sjednica je počela sa radom u 12 sati i 18 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegatkinje i delegate, predsjednicu Federacije Lidiju Bradaru i potpredsjednike Refika Lendu i Igora Stojanovića, ministre u Vladi Federacije BiH, predstavnike medijskih kuća i ostale koji prate rad sjednice.

Izostanak sa sjednice najavili su Jelena Pekić i Dragana Damjanović.

Prema evidenciji Stručne službe, sjednici prisustvuju 64 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad sjednice glasa o usvajanju zapisnika 10., 11. i 12. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 63 glasa za, bez uzdržanih glasova i bez glasova protiv, usvojio Zapisnik 10. sjednice Doma naroda Parlamenta Federacije BiH, održane 18.7.2024. godine.

Na osnovu rezultata glasanja, predsjedavajući je konstatovao da je Dom naroda, sa 68 glasova za, bez uzdržanih glasova i bez glasova protiv, usvojio Zapisnik 11. sjednice Doma naroda Parlamenta Federacije BiH, održane 29.7.2024. godine.

Na osnovu rezultata glasanja, predsjedavajući je konstatovao da je Dom naroda, sa 64 glasa za, bez uzdržanih glasova i bez glasova protiv, usvojio Zapisnik 12. sjednice Doma naroda Parlamenta Federacije BiH, održane 5.9.2024. godine.

Predsjedavajući je prije utvrđivanja dnevnog reda saopštio delegatima da, na osnovu člana 104. Poslovnika o radu Doma naroda, mogu postavljati delegatska pitanja i pokretati inicijative.

Sanela Klarić je, u ime Inženjerske komore Federacije BiH, uputila inicijativu prema Vladi Federacije BiH da se podrže inicijative građana za održavanje tematske sjednice Doma naroda, vezano uz poplave koje su zadesile Jablanicu, Konjic, Fojnicu, Kreševo i Kiseljak, kako bi se razmotrile preporuke i pripremili planovi za buduće mjere zaštite.

Emir Dautović je postavio dva pitanja.

Prvo pitanje uputio je ministru Ministarstva unutrašnjih poslova Federacije BiH a tiče se terorističkog napada u Bosanskoj Krupi kada je ranjen jedan i ubijen drugi policajac, pozivajući da se hitno poduzmu mjere kako bi se vratio ugled policajaca i njihova zakonska ovlaštenja, uključujući poboljšanje njihovih prava i zaštitu od kritika koje mogu rezultirati njihovim smjenama ili kaznama.

Drugo pitanje uputio je ministru Ministarstva sigurnosti, a tiče se srpskih dobrovoljaca koji su se borili na strani Rusije u Ukrajini tražeći jednaku primjenu zakona za sve, s obzirom na situaciju iz Bosanske Krupe.

Fatima Gavrankapetanović-Smailbegović je podnijela inicijativu i postavila jedno pitanje.

Inicijativu je uputila ministru Federalnog ministarstva zdravstva Nediljku Rimcu i premijeru Federacije BiH Nerminu Nikšiću, vezano uz uvođenje oboljelih od reumatoidnog artritisa u federalni nivo liječenja i u Fond solidarnosti.

Pitanje je postavila ministru Federalnog ministarstva zdravstva u vezi sa pristupom lijekovima koji su sada stavljeni na bolničku listu za pacijente oboljele od reumatoidnog artritisa nakon što završe bolničko liječenje i budu otpušteni kući.

Vedrana Vujović je postavila set pitanja ministru Federalnog ministarstva finansija Toniju Kraljeviću i premijeru Nerminu Nikšiću i uputila inicijativu, zajedno sa delegatkinjom **Fatimom Gavrankapetanović-Smailbegović**, premijeru Nerminu Nikšiću i ministru Nediljku Rimcu.

Prvo pitanje je u vezi sa planovima za nova kreditna zaduženja u tekućoj i narednoj fiskalnoj godini, te za razloge i utjecaj novog zaduženja na ukupni dug Federacije BiH.

Drugo pitanje je u vezi sa poduzimanjem mjera Vlade kako bi se spriječio ili smanjio budžetski deficit.

Treće pitanje je vezano uz trenutno zaduženje Federacije BiH, utjecaj na pružanje javnih usluga i fazu obećanog seta fiskalnih zakona kojima bi se unaprijedilo poslovanje i razvoj preduzetništva u Federaciji BiH.

Inicijativu je, zajedno sa delegatkinjom Fatimom Gavrankapetanović-Smailbegović, uputila prema premijeru Nerminu Nikšiću i ministru Nediljku Rimcu u vezi sa dostavom sveobuhvatne informacije od Vlade Federacije BiH i Federalnog ministarstva zdravstva o stanju na Kliničkom centru Univerziteta u Sarajevu kako bi se unaprijedio rad i pacijenti imali adekvatnu i pravovremenu njegu.

Aida Obuća podnijela je jednu inicijativu i postavila jedno pitanje.

Inicijativu je uputila prema Vladi Federacije BiH i traži da do sljedeće sjednice Doma naroda dostavi sveobuhvatnu analizu o tome šta je urađeno i šta se planira uraditi

kako bi se pomoglo stanovništvu područja pogođenih nesrećom na teritoriji Federacije BiH.

Pitanje je postavila federalnom ministru pravde u vezi sa upućivanjem u parlamentarnu proceduru Nacrta Zakona o sprečavanju nasilja u porodici i izmjeni Krivičnog zakona do kraja 2024. godine imajući u vidu iznimnu potrebu za njihovim donošenjem.

Damir Marjanović je postavio pitanje Vladi Federacije BiH i ministrici Federalnog ministarstva obrazovanja i nauke Jasni Duraković vezano uz trenutnu fazu izrade Nacrta Zakona o naučno-istraživačkoj djelatnosti.

Sandra Imširović je postavila nekoliko pitanja Vladi Federacije BiH u vezi sa sanacijom željezničke pruge u Jablanici s obzirom na prekid željezničkog saobraćaja.

Goran Bulajić je postavio pitanje Federalnom ministarstvu finansija u vezi sa donošenjem odluke o utvrđivanju kriterija i raspodjele sredstava prema kantonima planiranim Budžetom Federacije za 2024. godinu od 200 miliona KM.

Mehmed Memišević je uputio pitanje Federalnom ministarstvu prometa i komunikacija te pita u kojoj su fazi radovi na projektu autoputa Tuzla – Orašje.

Muamer Zukić je uputio dvije inicijative.

Prvu inicijativu je uputio Vladi Federacije BiH i Federalnom ministarstvu finansija vezano uz dostavljanje informacije o zaduženju Federacije o realiziranom i planiranom zaduženju za 2024. godinu.

Drugu inicijativu je uputio prema Federalnom ministarstvu unutrašnjih poslova od kojeg traži da se, u skladu sa njegovim nadležnostima, uključi u provjeru navoda o postojanju kampova za obuku paravojnih formacija povezanih sa ruskim grupama Wagner i Ferma, a koje djeluju u entitetu Republika Srpska.

Dževad Hadžić je uputio dvije inicijative.

Prvu je uputio prema Ministarstvu rada i socijalne politike i Vladi Federacije BiH, a odnosi se na izradu i usvajanje po hitnom postupku izmjene člana 2. stav 1. Zakona o roditeljima - njegovateljima u Federaciji BiH na način da se u zakonskim odredbama definira da je roditelj - staratelj lica sa 100% invaliditetom, bez obzira na uzrok nastanka neratnog invaliditeta.

Drugu inicijativu je uputio prema Vladi Federacije BiH od koje traži da prema Upravi za indirektno oporezivanje uputi prijedlog za donošenje odluke o oslobađanju putarine na dizel gorivo za rudnike, odnosno rudarske kamione u Federaciji BiH.

Haris Zahiragić je postavio dva pitanja.

Prvo pitanje je upućeno Vahidinu Munjiću, direktoru Federalne uprave policije, i Rami Isaku, ministru Federalnog ministarstvu unutrašnjih poslova, u vezi sa napadom na policijsku stanicu kada je jedan policajac ubijen a drugi teško ranjen i medijskim izvještavanjem o napadu koji je okarakterisan kao teroristički akt.

Drugo pitanje je upućeno zamjeniku premijera Vojinu Mijatoviću da li se ima namjera uvoditi verbalni delikt u Federaciji BiH.

Belma Kapo je postavila jedno pitanje i podnijela jednu inicijativu.

Pitanje je postavila Federalnom ministarstvu finansija u vezi sa stavom 2. Zakona o izvršenju budžeta, koji propisuje izmirenje unutrašnjeg budžeta, te da li se on odnosi na dug koji Vlada Federacije BiH ima prema Fondu solidarnosti Zavoda zdravstvenog osiguranja i reosiguranja Federacije BiH.

Inicijativu je uputila ka Vladi Federacije BiH a tiče se odgovornosti Vlade Federacije i Federalnog ministarstva zdravstva, s obzirom na to da nema konkretnih odgovora na predložene izmjene Zakona o zdravstvenoj zaštiti i Zakona o zdravstvenom osiguranju, te pozvala na organiziranje tematske sjednice oba doma Parlamenta Federacije BiH kako bi se počeo rad na Strategiji za zdravstvo.

Arman Zalihić je postavio pitanje Vedranu Škobiću, ministru Federalnog ministarstva pravde, u vezi sa dostavljanjem izmjena i dopuna Zakona o sukobu interesa Federacije BiH.

Vesna Saradžić je podnijela inicijativu Elektroprivredi BiH da se domaćinstva koja su poplavljena oslobode od plaćanja računa za električnu energiju.

Fahrudin Čolaković je postavio pitanje predsjedavajućem i Kolegiju, vezano uz Prijedlog Zakona o izmjenama i dopunama Zakona o pravima demobiliziranih branilaca i članova njihovih porodica, kada će ovaj zakon na sjednici Doma naroda Parlamenta Federacije BiH.

U okviru delegatskih pitanja i inicijativa u raspravi su učestvovali: Vojin Mijatović, Jasna Duraković, Muamer Zukić, Haris Zahiragić, Damir Marjanović, Fatima Gavrankapetanović-Smailbegović i Tomislav Martinović.

Prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 62 glasa za, bez uzdržanih glasova i uz dva glasa protiv, usvojio sljedeći:

DNEVNI RED

1. Prijedlog Zakona o unutrašnjoj trgovini,
2. Prijedlog Zakona o advokaturi Federacije BiH,
3. Nacrt Zakona o notarskoj službi u Federaciji BiH,
4. Nacrt Zakona o izmjeni Zakona o zemljišnim knjigama Federacije BiH,

5. Nacrt Zakona o izmjenama Zakona o stvarnim pravima,
6. Nacrt Zakona o izmjenama Zakona o nasljeđivanju u Federaciji BiH,
7. Nacrt Zakona o izmjeni Porodičnog zakona Federacije BiH,
8. Nacrt Zakona o izmjenama Zakona o registraciji poslovnih subjekata u Federaciji BiH,
9. Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 1.2.2023. godine između Bosne i Hercegovine i Evropske banke za obnovu i razvoj za realizaciju Projekta „Izgradnja tramvajske pruge Ilidža - Hrasnica“,
10. Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 12.4.2022. godine između Bosne i Hercegovine i Evropske banke za obnovu i razvoj za realizaciju Projekta „Sarajevo - E Mobility“,
11. Izbor i imenovanja.

1. Prijedlog Zakona o unutrašnjoj trgovini

Tekst Prijedloga Zakona utvrdila je Vlada Federacije BiH.

Vlada Federacije BiH je dostavila sedam amandmana na Prijedlog Zakona o unutrašnjoj trgovini, koji su postali sastavni dio Prijedloga Zakona.

Predstavnički dom Parlamenta Federacije BiH obavijestio je Dom naroda da je na 14. sjednici, održanoj 22. i 23.10.2024. godine, usvojio Prijedlog Zakona o unutrašnjoj trgovini sa sedam amandmana Vlade Federacije BiH i 12 amandmana koje je Vlada Federacije BiH prihvatila, pa su postali sastavni dio Prijedloga Zakona.

Prijedlog Zakona razmatrala su nadležna radna tijela.

Prijedlog Zakona obrazložio je Amir Hasičević, ministar Federalnog ministarstva trgovine.

Predstavnici radnih tijela obrazložili su izvještaje i to: Ivan Odak (Odbor za privredu), Vesna Saradžić (Klub delegata srpskog naroda) i Damir Džeba (Klub delegata hrvatskog naroda).

U raspravi su učestvovali: Emir Dautović, Belma Kapo, Fatima Gavrankapetanović-Smailbegović, Muamer Zukić, Mehmed Memišević, Vedrana Vujović, Eldin Delić, Tomislav Martinović, Vildana Bešlija, Vitor Handžić, Damir Marjanović, Oliver Soldo, Azhar Sejarić, Almir Babajić i Amir Hasičević.

Predsjedavajući je prije prelaska na izjašnjavanje o Prijedlogu Zakona dao pauzu 30 minuta.

Nakon pauze, prešlo se na izjašnjavanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda, sa 55 glasova za, uz tri uzdržana glasa i jedan glas protiv, usvojio Prijedlog Zakona o unutrašnjoj trgovini.

2. Prijedlog Zakona o advokaturi Federacije BiH

Tekst Prijedloga Zakona utvrdila je Vlada Federacije BiH.

Predstavnički dom obavjestio je Dom naroda da je na 14. sjednici, održanoj 22. i 23.10.2024. godine, usvojio Prijedlog Zakona o advokaturi Federacije BiH sa dva amandmana koje je Vlada Federacije BiH prihvatila, pa su postali sastavni dio Prijedloga Zakona.

Na Prijedlog Zakona amandman je podnio Ivan Odak.

Vlada Federacije BiH je dostavila izjašnjenje kojim ne prihvata amandman Ivana Odaka.

Prijedlog Zakona razmatrala su nadležna radna tijela.

Prijedlog Zakona obrazložio je Vedran Škobić, ministar Federalnog ministarstva pravde.

Haris Zahiragić je, u ime Zakonodavno-pravne komisije, obrazložio Izvještaj Komisije.

U raspravi su učestvovali: Ivan Odak, Muamer Zukić, Haris Zahiragić, Tomislav Martinović i Vedran Škobić.

Prešlo se na rad po sljedećim tačkama dnevnog reda, s tim da je predsjedavajući predložio delegatima da se o njima održi rasprava pa potom da se o njima izjašnjavanju.

3. Nacrt Zakona o notarskoj službi u Federaciji BiH

Tekst Nacrta Zakona utvrdila je Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Nacrt Zakona o notarskoj službi u Federaciji BiH.

Nacrt Zakona razmatrala su nadležna radna tijela.

Nacrt Zakona obrazložio je Vedran Škobić, ministar Federalnog ministarstva pravde.

U raspravi su učestvovali: Amra Babić, Haris Zahiragić, Sandra Imširović, Goran Broćeta i Tomislav Martinović.

Nakon pauze, prešlo se na izjašnjavanje o 2. tački dnevnog reda - Prijedlog Zakona o advokaturi Federacije BiH.

Vlada Federacije BiH je dostavila izjašnjenje kojim ne prihvata amandman Ivana Odaka.

Ivan Odak je ostao pri svom amandmanu.

Na osnovu rezultata glasanja, predsjedavajući je konstatovao da Dom naroda, sa devet glasova za, uz 29 uzdržanih glasova i uz 16 glasova protiv, nije prihvatio ovaj amandman.

Ivan Odak je zatražio pojedinačno izjašnjavanje u vezi sa amandmanom.

Sekretar Doma naroda Izmir Hadžiavdić je, u skladu sa odredbom člana 113. Poslovnika o radu Doma naroda, obavio pojedinačno izjašnjavanje delegata.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 10 glasova za, uz 35 uzdržanih glasova i uz 15 glasova protiv, nije prihvatio ovaj amandman.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz pet uzdržanih glasova i uz dva glasa protiv, usvojio Prijedlog Zakona o advokaturi Federacije BiH.

Nakon izjašnjavanja o 2. tački prešlo se na izjašnjavanje o 3. tački dnevnog reda - Nacrt Zakona o notarskoj službi u Federaciji BiH.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz četiri uzdržana glasa i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o notarskoj službi u Federaciji BiH i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda,

javnoj raspravi, kao i one koje su dostavljene ili će biti dostavljene u pisanoj formi.

4. Nacrt Zakona o izmjeni Zakona o zemljišnim knjigama Federacije BiH

Tekst Nacrta Zakona utvrdila je Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Nacrt Zakona o izmjeni Zakona o zemljišnim knjigama.

Nacrt Zakona razmatrala su nadležna radna tijela.

Predstavnik Vlade Federacije BiH je već dao obrazloženje za ovaj nacrt Zakona.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz dva uzdržana glasa i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjeni Zakona o zemljišnim knjigama Federacije BiH i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda, javnoj raspravi, kao i one koje su dostavljene ili će biti dostavljene u pisanoj formi.

5. Nacrt Zakona o izmjenama Zakona o stvarnim pravima

Tekst Nacrta Zakona utvrdila je Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Nacrt Zakona o izmjenama Zakona o stvarnim pravima.

Nacrt Zakona razmatrala su nadležna radna tijela.

Predstavnik Vlade Federacije BiH je u okviru razmatranja 3. tačke dao uvodna obrazloženja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz dva uzdržana glasa i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama Zakona o stvarnim pravima i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda, javnoj raspravi kao i one koje su dostavljene ili će biti dostavljene u pisanoj formi.

6. Nacrt Zakona o izmjenama Zakona o nasljeđivanju u Federaciji BiH

Tekst Nacrta Zakona utvrdila je Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Nacrt Zakona o izmjenama Zakona o nasljeđivanju u Federaciji BiH.

Nacrt Zakona razmatrala su nadležna radna tijela.

Predstavnik Vlade Federacije BiH je već obrazložio Nacrt Zakona.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz jedan uzdržani glas i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama Zakona o nasljeđivanju u Federaciji BiH i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda i javnoj raspravi kao i one koje su dostavljene ili će biti dostavljene u pisanoj formi.

7. Nacrt Zakona o izmjeni Porodičnog zakona Federacije BiH

Tekst Zakona utvrdila je Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Nacrt Zakona o izmjeni Porodičnog zakona Federacije BiH.

Nacrt Zakona razmatrala su nadležna radna tijela.

Nacrt Zakona obrazložio je Vedran Škobić, ministar Federalnog ministarstva pravde.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 55 glasova za, uz jedan uzdržani glas i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjeni Porodičnog zakona Federacije BiH i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma, javnoj raspravi, kao i one koje su dostavljene ili će biti dostavljene u pisanoj formi.

8. Nacrt Zakona o izmjenama Zakona o registraciji poslovnih subjekata u Federaciji BiH

Tekst Zakona je utvrdila Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Nacrt Zakona o izmjenama Zakona o registraciji poslovnih subjekata u Federaciji BiH.

Tekst Zakona razmatrala su i nadležna tijela.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz jedan uzdržani glas i uz jedan glas protiv, prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama Zakona o registraciji poslovnih subjekata u Federaciji BiH i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda, javnoj raspravi, kao i one koje su dostavljene ili će biti dostavljene u pisanoj formi.

9. Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 1.2.2023. godine između Bosne i Hercegovine i Evropske banke za obnovu i razvoj za realizaciju Projekta „Izgradnja tramvajske pruge Ilidža - Hrasnica“

Tekst Prijedloga Odluke je utvrdila Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine prihvatio Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 1.2.2023. godine između Bosne i Hercegovine i Evropske banke za obnovu i razvoj za realizaciju Projekta „Izgradnja tramvajske pruge Ilidža - Hrasnica“.

Prijedlog Odluke obrazložio je Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija.

U raspravi su učestvovali: Amra Babić, Haris Zahiragić, Belma Kapo, Aida Obuća, Vedrana Vujović, Vibor Handžić, Fatima Gavrankapetanović-Smailbegović i Ljubinka Atanasijević.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz četiri uzdržana glasa i uz osam glasova protiv, prihvatio Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 1.2.2023. godine između Bosne i Hercegovine i Evropske banke za obnovu i razvoj za realizaciju Projekta „Izgradnja tramvajske pruge Ilidža - Hrasnica“.

10. Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 12.4.2022. godine između Bosne i Hercegovine i Evropske banke za obnovu i razvoj za realizaciju Projekta „Sarajevo - E Mobility“

Tekst Prijedloga Odluke je utvrdila Vlada Federacije BiH.

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, prihvatio Prijedlog Odluke o prihvatanju dodatnog zaduženja na

osnovu Ugovora broj 1 o Amandmanu na Ugovor o zajmu od 12.4.2022. godine između Bosne i Hercegovine i Evropske banke za obnovu i razvoj za realizaciju Projekta „Sarajevo - E Mobility“.

Prijedlog Odluke obrazložio je Vedad Nezirić, šef Odsjeka za zaduživanje i koordinaciju sredstava za razvoj u Federalnom ministarstvu finansija.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz četiri uzdržana glasa i uz 10 glasova protiv, prihvatio Prijedlog Odluke o prihvatanju dodatnog zaduženja na osnovu Ugovora broj 1 o Amandmanu na Ugovor o zajmu od 12.4.2022. godine između Bosne i Hercegovine i Evropske banke za obnovu i razvoj za realizaciju Projekta „Sarajevo - E Mobility“.

Muamer Zukić, predsjednik Kluba delegata bošnjačkog naroda, zatražio je pojedinačno izjašnjavanje u vezi sa ovom tačkom dnevnog reda.

Sekretar Doma naroda Izmir Hadžić je, u skladu sa odredbom člana 113. Poslovnika o radu Doma naroda, izvršio pojedinačno izjašnjavanje delegata.

Na osnovu rezultata pojedinačnog glasanja, predsjedavajući je konstatovao da je Odluka dobila potrebnu većinu (42 glasa za, 7 uzdržanih glasova i 9 glasova protiv).

11. Izbor i imenovanja

Predstavnički dom obavijestio je Dom naroda da je na 14. sjednici, održanoj 22. i 23.10.2024. godine, donio Odluku o imenovanju generalnog revizora i zamjenika generalnog revizora, kojom se za generalnog revizora imenuje Mirza Kudić a za zamjenicu generalnog revizora Nina Džidić.

Prijedlog Odluke obrazložio je Milan Ševo, predsjednik Komisije za izbor i imenovanje.

U raspravi su učestvovali: Aida Obuća, Damir Džeba, Vedrana Vujović, Ivica Pavković, Emir Dautović, Tomislav Martinović, Amra Babić i Sandra Imširović.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz tri uzdržana glasa i uz 11 glasova protiv, prihvatio Odluku o imenovanju generalnog revizora i zamjenika generalnog revizora, kojom je za generalnog revizora imenovan Mirza Kudić a za zamjenicu generalnog revizora imenovana Nina Džidić.

Muamer Zukić, predsjednik Kluba delegata bošnjačkog naroda, zatražio je pojedinačno izjašnjavanje.

Sekretar Doma naroda Izmir Hadžić je, u skladu sa odredbom člana 113. Poslovnika o radu Doma naroda, izvršio pojedinačno izjašnjavanje delegata.

Na osnovu rezultata pojedinačnog glasanja, predsjedavajući je konstatovao da je Dom naroda, sa 41 glasom za, uz šest uzdržanih glasova i uz devet glasova protiv,

prihvatio Odluku o imenovanju generalnog revizora i zamjenika generalnog revizora, kojom je za generalnog revizora imenovan Mirza Kudić a za zamjenicu generalnog revizora imenovana Nina Džidić.

Sjednica je završila sa radom u 18 sati i 43 minuta.

Transkript sjednice čini sastavni dio Zapisnika.

DRŽAVNA SLUŽBENICA
ODGOVORNA ZA OBAVLJANJE
POSLOVA IZ NADLEŽNOSTI SEKRETARA

Aida Hadžić-Salkić

PREDSJEDAVALAČI

Tomislav Martinović